

MUZIONE
(CÙ DUMANDA D'ESAME PRIURITARIU)

- DEPOSITATA DA : SAMIR BECHERIGUI

- UGHJETTU : *Ricunniscenza di u Populu corsu*

CUNSIDARENDU a presenza di u Populu corsu dapoi seculi è seculi annant' à issa terra di Cursichella. Unitu da una storia, una cultura è una lingua.

CUNSIDARENDU U primu articulu di u Pattu internaziunale relativu à i diritti civili è pulitichi vutatu u 16 dicembre 1966 da l'Organizazione di e Nazione Unite :

« 1. Tous les peuples ont le droit de disposer d'eux-mêmes. En vertu de ce droit, ils déterminent librement leur statut politique et assurent librement leur développement économique, social et culturel.

2. Pour atteindre leurs fins, tous les peuples peuvent disposer librement de leurs richesses et de leurs ressources naturelles, sans préjudice des obligations qui découlent de la coopération économique internationale, fondée sur le principe de l'intérêt mutuel, et du droit international. En aucun cas, un peuple ne pourra être privé de ses propres moyens de subsistance.

3. Les Etats parties au présent Pacte, y compris ceux qui ont la responsabilité d'administrer des territoires non autonomes et des territoires sous tutelle, sont tenus de faciliter la réalisation du droit des peuples à disposer d'eux-mêmes, et de respecter ce droit, conformément aux dispositions de la Charte des Nations unies ».

CUNSIDARENDU e muzione vutate da l'Assemblea di Corsica in 1983, 1988, 2000 è 2015 chì dumandanu a ricunniscenza di u Populu corsu.

CONSIDERANT la résolution votée par l'Assemblée de Corse en 2018 qui demande que "la Corse fasse l'objet d'une mention spécifique dans la Constitution permettant de la doter d'un statut défini par référence à l'article 74, prenant en compte sa situation politique, sa géographie, son insularité, son relief, sa démographie, son histoire ainsi que l'identité culturelle du peuple corse ».

CUNSIDARENDU e decinaie d'anni di lotta purtate da millaie di Corsi per diffende i diritti di u populu è sugnià à un avvene naziunale.

CUNSIDARENDU i sacrifici fatti da tanti omi è tante donne, culpiti da l'anni di prigiò, a viulenza è a morte.

CUNSIDARENDU e decisione di u Fronte di Liberazione Naziunale di lascià l'arme per u dialogu, in 2014 per l'Unione di i Cumbattenti è 2016 per u 22 d'Uttobre.

CUNSIDARENDU e vittorie elettorale dappoi 2015 è l'affermazione attraversu à elle chì u Populu corsu a sceltu d'andà versu à l'emancipazione.

CUNSIDARENDU e mubilizzazione storiche è popolare dopu à l'assassiniu d'Yvan Colonna.

CUNSIDARENDU e rivendicazione di a Curdinazione di Corti chì dumanda : Ghjustizia è verità per Yvan Colonna ; Libertà per tutti i patrioti ; Ricunniscenza di u Populu corsu.

VISTU a dichjarazione di u Ministru di l'Internu francese Gérard Darmanin : « On a mis deux lignes rouges. D'abord, la Corse dans la République. Et pas deux catégories de citoyens sur le territoire national ».

L'ASSEMBLEA DI A GHJUVENTÙ DI A CORSICA

ACCERTA Chì per andà versu un prugressu storicu è una pace durevule, ci vole à avè discussione senza tabù e linee rosse tra a Corsica è u Statu francese.

ACCERTA Chì per andà versu un prugressu storicu è una pace durevule, ci vole à piglià in contu e rivendicazione storiche di u Muvimentu Naziunale cum'è a ricunniscenza di u populu corsu.

DUMANDA SULENNEMENTE à i so Eletti, rappresentanti di u Populu corsu in isse discussione, di dumandà cù fermezza à u Statu d'includere una riunione pè parlà di a ricunniscenza di u Populu corsu.